

colorchecker CLASSIC




0 cm 1 2 3 4 5 6 7 8 9 10 11 12 13 14 15 16 17 18 19 20


x-rite


mm

LE TRANSPORT DE REJOISSANCE DE BORDEAUX (S.D.)










M. 15,384

—



287

Revue et 338



LE TRANSPORT
 DE
 RESOVYSSANCE

DV PEUPLE
 DE BOVRDEAVX,

Pour Monseigneur le Prince
 De Condé.

STANCES



*E ne scay quels transports ont saisi cette
 Ville,*

Tant ie suis du party

A

2.
De Louys de Bourbon, du Duc de Longueville,
Et du Prince Conty,
Nostre Inuincible Roy nous a donné vn Prince
Pour nous tenir en Paix,
Il regira nos cœurs avecque la Prouince,
Et fera desormais
Qu'après vn rude orage, nous aurons la bonasse:
Il promet aux Frondeurs
Qu'après auoir vescu long temps dans la disgrâce
Ils seront les vainqueurs.
En despit du tyran, & de toute l'enuie,
I'allumeray des feux (vie)
Pour Monseigneur le Prince, qui nous donne la
Et nous rend tous heureux.
L'infame Cardinal & toute sa cabale
Nous auoit condamnez,
Et le Duc d'Espernon, & le Comte Candale
Nous croyoit tous bernez, (contrée)
Quand Monseigneur le Prince viendra dans la
Il sera Protecteur,
Nous serons disposez à faire son entrée,
Puis qu'il est Gouverneur.
Nos plaintes à la fin ont obtenu iustice,
Nos vœux sont exaucez;
Et nous loions du Ciel la clemence propice
Après nos maux passez.

Ayant du grand CONDE' la puissante deffence,
 Nous ne craignons plus rien :
 Et ce Prince qui fut toute nostre esperance,
 Sera tout nostre bien.
 Celuy qui fit trembler la Castille & l' Austriche
 R'affermit cét Estat,
 Et rend à ce pays si charmant & si riche
 Tout son premier éclat.
 Cét Astre de la Cour dissipe les nuages
 Qui menaçoient nos iours.
 Nos malheurs sont heureux, & nos folies sages
 D'auoir un si beau cours :
 Si nous n'auions souffert l'injuste tyrannie
 D'un cruel traitement,
 Nous ne gousterions pas la douceur infinie
 D'un heureux changement.
 Nous ne pourrions pas voir cette grande Prouince
 Ny receuoir des Loys,
 Que par la volonté d'un Inuincible Prince
 Du pur sang de nos Roys.
 Ainsi le iour nous charme apres que les tenebres
 Ont couuert l'Vniuers,
 Et la nature perd tous ses habits funebres
 Apres de longs Hyuers.
 Ainsi le calme apres des horribles tempestes
 Resiouyt le nocher ;

4
Et lors que le mal-heur a passé sur nos testes,
Le bon-heur est plus cher. (Noblesse,
Pour deux grands Parlemens, & pour tant de
Pleine du feu Gascon,
Il falloit la valeur, la naissance & l'adresse
De LOVYS DE BOVRBON.
Il faut un Gouverneur qui merite le Thrône,
Qui soit de Sang Divin,
Et personne ne peut commander la Garonne
Que le vainqueur du Rhin.
Nul que ce grand Heros de cette grande Charge
Ne meritoit le choix;
Quel autre Atlas avoit une espaule assez large
Pour porter un tel poids. (res,
De Norlingue & Frisbourg, les fameuses Victoi-
Et celle de Rocroy; (staires
Et tant de beaux Combats dont parlent nos hi-
Demandent cét employ.
Aussi nous garderont un respect plain de zele
Que rien ne peut trahir;
Il sçait bien commander, & la Guyenne fidelle
Sçaura bien obeyr.
De son Illustre Prince elle court la fortune
Et par tous ses Arrests. (mune
Ce n'est qu'un mesme esprit, q'une cause com-
A mesmes interets.

Lors que de Mazarin l'orgueil insupportable
 Ravit nos demy Dieux
 Ace Cruel Tyran, nostre dueil remarquable,
 Nous rendit odieux.

Il jugea qu'il falloit perdre toute la Guyenne
 Pour acheuer CONDE'
 Et que s'il n'adioustoit nostre perte à la sienne,
 Il seroit secondé.

Mais l'innocent Enguien, Et l'aymable Princesse
 Receus dans nostre sein;
 Firent aux yeux du Roy connoistre la foiblesse
 Et son mauvais dessein.

Il vint; Il fut battu par une seule Ville,
 Et l'on doit à BOVRDEAVX
 La defaite, Et l'exil du monstre de Sicile
 Qui causa tant de maux, (malice,)
 Grand Prince, quand Bourdeaux combattoit sa
 Et sa temerité,

Il ouvroit vos prisons, animant la Justice
 Pour vostre liberté.

Aymable liberté: la cause de la nostre,
 Car vous estant soubmis,
 La valeur des Gascons, dependant de la vostre,
 N'aura plus d'ennemis.

Ce noble Parlement peut croire sans audace
Qu'un Prince sans pareil
Doit proteger un Corps qui mit à sa disgrace
Le premier appareil.
Il est doux de penser que l'honneur vous engage
Autant que la bonté,
De cherir un pays qui fit tousjours hommage
A vostre volonté.
Vous scaurez maintenir les droits & les franchises
De tant de gens de bien,
Contre vos seruiteurs toutes les entreprises
Ne serviront de rien.
Agen, apres Bourdeaux vostre premiere ville,
Prie vostre bonté,
Qu'aupres de vostre Altesse elle trouue un azille
A sa fidelité.
Ses Enfans ont beaucoup d'esprit & de courage,
Ils se sentent raur,
Par la ioye qu'ils ont d'obtenir l'aduantage
De vous pouuoir servir.
Beaucoup d'autres Cités, le Peuple, la Noblesse,
Ne se peut contenir,
Et de leurs maux passez la publique allegresse
Oste le souuenir.

On n'entend plus de voix dans toute la Prouince
 Que de Viue le ROY,
 Viue le Gouverneur: Viue nostre grád Prince
 Qui nous donne sa Foy.
 Outre les feux publics, chacun fait feu de loye,
 On n'espargne plus rien.
 De ce bon-heur commun que le Ciel nous enuoye,
 Châcun en fait le sien.
 Que l'amour est puissant dont les peuples fidelles
 Payent les Protecteurs.
 Il vous fera sans doute autant de Citadelles,
 Que nous auons de Cœurs.

A. D. T. H. S. D. M. L. P.

Faint, illegible text, likely bleed-through from the reverse side of the page. The text is mirrored and difficult to decipher due to fading and water damage.



